



SERENISSIMO,
FORTISSIMO, POTENTISSIMO,
LUDOVICO-JOSEPHO
PRINCIPI CONDÆO,
BORBONIO DUCI,
IN ÆTERNUM
REVERENTIÆ, CULTÛS, OBSEQUII,
MONUMENTUM
DICAT, VOVET, CONSECRAT, OFFERT



Obsequentissimus & humillimus Aq̃tis Præses,
L. GABRIEL DUPRÉ,



QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ
mensis Januarii, anno Domini M. DCC. LX.*

P R Æ S I D E,

M. LUDOVICO-GABRIELE DUPRÉ,

Doctore Medico, Theseos Auctore.

*An in verminosis affectibus etiam inflammatoriis maturanda
purgatio?*

I.



RTIUM omnium præclarissima, quæ necessitate, utilitate, nobilitate cæteras longè præstat, Medicina. Lenè misero homini solamen! Felix sua si nosset bona! Nullum enim promptius aut præsentius aliundè mutuatur auxilium, quo horrendam ægritudinum cohortem debellare queat, quas illi nempè coævæ effecerunt injuriæ & vicissitudines inevitabilis semper.

A iij



Biblioth.
Institut. Med.
proleg. n. 2.

que necessarij aëris, alimenti natura & potulentij, corporum irruentium vis, actiones vitæ, fabrica denique compagis humanæ. . . Servat præsentem, amissam restituit sanitatem ars illa salubris : unde velut ex amœno fonte plenior atque suavior decurrit vita, gratior it dies, soles etiam nitent melius, & quæ ocius corripuisset gradum, semotæ jam tardat mortis dura necessitas. Innumera scilicet & quidem proficua promittit subsidia, quibus infelices, nec satis culpandi dum continuò valetudini decoquunt suæ jacturas pulchrè refarciant. Cuique verò ægritudini, ægro, convenientiora ministrare, cuncta sapienter & commodè ex ipsius naturæ voto, nec non juxta rectam medendi normam ita definire, ut quæ huic illive morbo aut causæ illius est accommodata magis, & quæ citius ac tutius morbi fomitem superando præstantior est, eligat, hoc ritè medentis opus, hic labor !

I I.

QUÆ constans & oculatissima seminibus inhærens naturæ lex moderatur ac dirigit, cæco putredinis casui tribuere quem non pudeat Medicum ! Procul hinc estote pseudo-galenici. Opinionum commenta felicissimo hoc scientiarum sæculo delevit dies & naturæ judicia confirmantur. Non à putrescente generantur *κακὰ κίττω* vermes humani ; sed molli & æquabili putrescentium rerum calore, lumbricorum, in intestinis latitantia nidulantiaque foventur ovula ; mox futuri animalculi torpida in ovulis & inertia excitantur primordia ; primaque sic vitæ aura, iisdem quasi insufflatur & ad actum reducuntur sensim explicanda. Quæ mirabili partium nexu, organorum structurâ nobili, vitaliumque functionum exercitatione gaudent, infectis atque viventibus, ut aiunt, imperfectis annumeramus. Illorum tres præcipuæ assignantur species *, quarum prima illa est, quæ lumbricorum terrestrium simili-

Andry. de
la gener. des
Vers. tom. 1.
pag. 188.

* Qui cæteras, quæ propè modum infinitæ sunt, edoceri voluerit, Clariss. auctoris eximij ingenij, doctrinæque singularis opibus instructum adeat tractatum.

rudinem obtinet; & quæ hinc propriè lumbrici, vermes longi & teretes, stronguli nuncupantur. Breves ac teretes alteram constituunt, vermiculis in caseo obviis non absimiles, à perniciosissimo, quo donantur, motu ascarides dicti. Tertiam dat planus sive latus lumbricus, Plinio tænia, solum aliis dictus; fasciæ instar ulnarum plurium aliquando longior, geniculis, internodiisque per intervalla distinctis ac transversim divisus, cucurbitæ seminibus assimilatis constans. Omnium frequentissimi longi-teretesque. Nulli quidem in hominum vitam invadunt frequentius nec infrequens eorum quos libithinæ mactarunt, numerus. Divitum sæpè quorum gravi saginatur esculentorum mole stomachus ingluviei soboles. Quibus autem res est angusta domi oleribusque simplicissimis jejana gravantur ut plurimum nec reficiuntur ilia, quot heu! Lacessitis propulsanda hostium tela. Cuilibet regioni, sexui familiares. A lactantibus & pueris præsertim ad senes usque nullum non lædunt; at in illis ob virium infirmitatem, cibi delectum, bilis ipsius blanditiam, succorum omnium dulcedinem & copiam frequentiores atque periculosissimi omnino. Hinc etiam debilius, delicatulorum, cachecticorum, eorum quoque qui fructibus duntaxat, lactariisque victitant; aut caseo, mellitis, & carnibus indulgent nimium, hostes insensissimi. Omnium sunt anni temporum. Hyeme tamen ac vere novo grassantur imprimis; pluvioso atque humido cælo magis, sicco minus leniusque desæviunt. Urbium incolis parcunt sæpius, ruricolis ferè nunquam. Mirum quot in omnibus pariant morbos, & quam insolitos! In chronicos & acutos, in simplices vel complexos dividimus. Horum alii inflammationis participes, expertes alii. Quemlibet verò morborum omnium quasi compendium rectius sanè quàm morbum dixeris. Prout enim ex singulari hominum temperie, ætate, regione, vitæ instituto, tempestate, vel & ex aliis unà concurrentibus causis à morbosâ hac humorum diathesi afficiuntur ægri, quot & nova in dies exurgunt symptomata, quæ ut in facies sese

vertunt innumeras, medenti variis illufura modis, fic morborum curam protendunt, aut pariunt læthales. At diverfam licèt horum ratione faciem oftendant diverfi, in eo tamen ita confentiunt unanimes, ut, nullum, nè exceptis quidem inflammatoriis, in quo primis in viis non turgeat materies, etiam in principio morbi, reperiatis. Quod ex ipfamet Peripneumoniâ verminofâ facilè comprobatur. Comes huic affidet indivulfa febris, quæ & acriùs urget & pluries exacerbatur de die. Præ refpiratione difficili, tufficulofâ, gravi, cùm inexplicabili pectoris anxietate tantùm non fuffocantur ægri; prodeunt fputa creberrima, plurimo referta fanguine. Ab ipfo morbi infultu, jactatione, inquiete, anorexiâ, fingultu, ruftu frequenti fubacido, naufcâ, vomitu, vel ventris torminibus atque diarrhæâ laborant. Livefcunt genæ rubentque viciffim; foetet os acidum injucundè fpirans; fplendent oculi; ftillat è naribus fanguis, fternutant; inter fomnum dentibus ftrident, ex improvifo fæpiùs animo linguuntur, fudore frigido madent; frigent extrema; delirant; expergifcuntur horrificè tremuli; fordibus scatet lingua quæ pro febris ipfius intenfitate ficca nigraque ut plurimùm confpicitur; tumet abdomen; pulfus deficiens eft, mollis, obfcurus, inæqualis admodum. Urina lactea, turbida, vel fubfidens. Vermes ipfos vomitu, fecefque interdum egerunt. Quæ fi non omnia fimul & fempet, illa tamen in omnibus annotantur ægris quæ fuos verminofæ primarum viarum proluviei natales debent, præfentemque comprobant, fymptomata.

I I I.

ARTIS noftræ dignitatis, civiumque falutis immemores venæ fectionem tanquam inutilem in curandis morbis etiam inflammatoriis allatantes expungant Helmontiani. Sanguinis miffioni tamen fua laus efto. Præfentiffimis ingruentium quas antevertat, aut fævientium quas retundat ægritudinum auxiliis jure annumeratur. Nullâ fiquidem tutiori viâ, plurimos

82

7

quibus affligimur morbos citò rescindas & jucundè. Hæc superatâ videlicet solidorum resistantiâ, ardentissimas extinguit inflammationes; hæc obstructions contumacissimas aperit, hæc intricatiores referat infarctus, furentes humorum frangit impetus, cruoris ipsius motos componit fluctus, luxuriantem coërcet, minuit redundantem, languentem excitat. Hâc distensis ultra tonum vasis restituitur elater; hinc expeditior liquidorum circuitus, secretio, excretio. Cave tamen ad illam adversus omnes quibus jactamur procellas, velut ad anchoram unam tutissimamque confugas. Ut non paucis oportuna feliciter succurrit morbis, sic eosdem exasperat & auget intempestiva. Sanguinem sectâ venâ mitti novum non est, sed nullum penè morbum esse in quo non mittatur novum est. Hinc nedum illa proficit, sæpius adversatur. Quare primo quamvis intuitu inflammatorii morbi nomen vultumque præse ferat ipsamet Peripneumonia, & ex probatissimis certissimisque Medicorum ab Hippocratis ævo nostrum ad usque, principiis & observationibus venæ sectionem haud dubiè repetitam postulare videatur; nec te ideo febris ipsius intensitas, sputumve cruentum aut doloris alicujus insolentia, nec pars illa sanguinis, ut aiunt, insulæ superior, quæ albâ, durâ, crassâ, rigidâ ferè corii instar porcini ægrè scissili pelle concrevit fallant inexpertum, at quis sit inflammationis hujusce modus, quæ causa prius æstimes.

Cels. lib.
cap. 10.

I V.

DIVERSAM omninò medelam reposcit morbus idem prout à variâ causâ ortum ducit. Et inquisitū licet utilissima, maximèque necessària quæ morbi primâ remotam tamen corporique inhaerentem in consilium advocare sapientis est. Hæc ut plurimum medenti quò se vertat inscio monstrat iter. Ancipitem firmat, juvat laborantem, unde curationis ipsius securitas & præstantia Medici. In hæc porro peripneumoniæ specic, verninosam primis in viis nidulari cacochyliam

evincunt accuratè depicta modò morbi symptomata. His expedita viscidior & cruda, quâ turgent materies vasa subit, sanguinique allabitur. Quæ spirat illa exitiali postquam hunc fœdavit commercio, liquidis incendia parat, vel etiam oborta nedum restinguat, accendit. Fonte hoc derivata, præcipiti lapsu in pectus irruit cacochymia verminosa; hinc vasorum pulmonalium infarctus, obstructio, cruoris ipsius stagnatio, obstructas in partes irruentis aucta celeritas, inflammatio. Est enim illa sanguinis rubri, arteriosi in minimis canalibus stagnantis pressio & attritus à motu reliqui sanguinis moti & per febrim fortius acti. Hunc autem morbi fomitem à principio educere morbum superare est. Purgationem in cæteris quidem affectibus verminosis instituendam apud illos scilicet in confesso est, quos æquus amavit Deus & quibus etiam ad artem nostram è meliore luto finxit præcordia; in iisdem verò quoties urget inflammatio & quidem ab ovo, pariter admittendam jure contendimus. Huic igitur eliminandæ mephiti temet protinus accingas; ne cum irreparabili agrorum damno tenues dilapsus in aquas vinclis excidat Proteus alter; deludat incautum, cunctantem citò citius prævertat; hujus indefinente in sanguinem regressu, continuoque pulmonibus appulsu, inflammationis, febris ipsius exacerbationem, abscessus aut gangrænam citò læthalem pariat. Turget materia; morari ergo in talibus malum. Occasio præceps.

Boerhar. de
agnosc. &
curand. morb.
phor. 371.

Hippocrat.
phor. 10.
lib. 4. Aphor.
sect. 1.

V.

ECQUID enim purgatione & quidem tempestivè sic instituta felicius istas auferet sordes? Harum in sanguinis vorticem ingressui validius obstiterit? Quas ibidem crudeles ederent strages citius antevertet? Gementi tanto sub pondere naturæ commodius opitulabitur? Morbi ipsius denique radices evellat potentius? Nonnè hæc humorum visciditatem frangit? Spiritus ab acido veluti quodam irretitos expedit, mobilior

inde morbi materia, sicque tutius eximitur; reducto fluore concreti motu stagnantis solvitur inflammatio; peripneumonia sanatur. Quid quod in ipsis affectibus verminosis etiam inflammatoriis nostræ consentit clarissimi Romanorum Hippocratis sententia. Inflammationes enim quales sunt pleuritides, peripneumoniarum purgatione aliquando tolli debere docet, etiam in ipso morbi principio, non inflammationis quidem causa sed ratione materiae morbosæ, magnâ copiâ primis in viis congestæ ac morbum producentis foventisque. Divini senis auctoritate atque experientiâ freti, quam in praxi multoties utilissimam tutissimamque norant viam, ne à rectâ deflecterent, institère Duretus, Ballonius, Hollerius quorum doctrinâ, Bagliviana firmatur assertio. Sed & purgationem in ipsis inflammationibus instituendam etiam à principio, eventu sanè felicissimo probat illa, quæ in dysenteria ab artis sanandi principibus admittitur hodierna curandi methodus. Veram tunc nec contemnendam urgere in intestinalibus, glandulis ac tunicis, à pravâ ventriculi & intestinorum cacochyliâ; lentâ dein spissiore, vasa comprimente sanguinisque proinde circuitum præpediente lymphâ ortam inflammationem nemo nescit. At præmissa si libuerit, venæ sectione, quam sæpe & citò, in ipso morbi principio, quamvis adsit febris ut plurimum acuta cum dolore notabili, & quasi terebrante, solius radices Brasiliensis exiguâ dosi propinatæ, vi solvente, purgante, sanabatur! Haud aliter rem se habere quotidiana docet observatio in erysipellate curando; quoties nimirum inflammationem oriri, vel abortam, à primarum viarum colluvie foveri deprehendimus. Irritis omnibus, ab emesi seu purgantibus opportunè datis, periculossissimi sæpe morbi quàm facilis exitus! Quo verò maximè vergant eò ducenda per loca convenientia. Cui quidem felicius collimabis scopo si purgantibus anthelmintica junxeris. Quem hæc enim tutius hostem superant, devictum eliminat tempestiva purgatio. In acutis, inquires, ex Hippocrate rarò & in principis purgante utendum; esto: at si rarò ergò

Bagliv.
pend. ad pleu-
ritid. & passim
in oper.

Hippocr.
Aphor. 21.
sect. 1.

Aphor. 2
sect. 1.

aliquando, quoties nimirum diligenti prius adhibitâ cautione,
materiem tunc signis constat turgere certissimis.

*Ergo in verminosis affectibus etiam inflammatoriis maturanda
purgatio.*

DOMINI DOCTORES DISPUTATURI.

M. Bartholomæus - Tuffanus *M. Stephanus Pourfour du Petit.* *M. Carolus-Ludovicus Liger;*
le Clerc, Chirurgia Gallico
idiomate Professor, designa-
tus.

M. Ludovicus Gabriel Dupré, *M. Pascasius Borie,*
alibi Præf.

M. Joannes - Stephanus Guet-
tard, Regiarum Academia
rum Parisiensis, Rupellen-
sis, Florentina & Stokol-
miensis Socius, Censor Re-
gius & Historiæ naturalis
Musæi Serenissimi Ducis
Aurelianensis custos.

M. Antonius Petit;

M. Florentius-Carolus Bellot,
Professor Regius, & urius-
que Pharmaciæ Professor,

M. Natalis-Maria de Gevi-
gland, Regiorum in Germa-
niâ, Ducum & Militum
Nosocomiorum nuper Me-
dicus & Mr Poissonnier,
Scholarum Professoris vices
gerens.

Proponebat Parisiis CESAR COSTE, Arelatensis, Doctor Medicus Avenionensis,
Saluberrimæ Facultatis Medicinæ Parisiensis Baccalaureus, A. R. S. H. 1760.

A SEXTA AD MERIDIEM.

Typis Viduæ QUILLAU, Universitatis & Facultatis Med. Typographi. 1760.